



# Tir Yimyim

www.tiryimyim.in

Regd. No. RNI. NAGAAO/2004/13113. Postal-NE/RN-717.

e-mail : tiryimyim@gmail.com

TAPAK 7

Yangia anidakangma : Tir Yimyim

tiryimyim@aolima

tir yimyim

TAPAK 8

North Korea spy satellite teraksa khadangtsü atema Japan renemer

World Transplant Games 2023: Ankita-i medal asem angu



VOL. XX NO. 190 (ADOK 190) DIMAPUR AMUNGNÜ (SUNDAY)

RONGCHII (APRIL) 23, 2023

₹ 5.00

## Hombar nungi CSRE 2022 viva-voce tenzükher

**Kohima, April 22, 2023 (TYO):** April 24, 2023 nungi Combined Staff Recruitment Examination 2022 atema viva-voce maparen tenzüksü ta Nagaland sorkari sangdong ka agütsüba sülen ta Nagaland Staff Selection Board (NSSB)-i metetdaksüogo.

"Department of Personnel & Administrative Reforms nungi tetuyuba ka anguba sülen April 24 nungi CSRE 2022 indang viva-voce agütsü" ta Secretary-cum-Controller of Examination-i ashi.

"NSSB ajanga ketdangsüa agiba CSRE 2022 indang viva-voce anema lungkak aitiba maparen thinener" ta NSF president Kegwayhun Tep aser secretary education Medovi Rhi nati sangdong ka nung ashi.

"NSF-i akhangba onük süoki ia shisadangogo aser NSSB ajanga tang tagidak tatidang tembangba sülen sorkari NSF den asüngdangtepa taruba

NSSB-i ketdangsüa agiba tatidang nung viva-voce indang total marks repringshimsü nangzükher" ta Nagaland sorkari sangdong ka agütsüba sülen NSF-i lungkak aitsü aliba thinena atar ta NSF ketdangpurtemi ashi.

Neiphu Rio lenisüba kübok sorkari NSSB tenteta mapa tenzükba atema tenüngsang agütsü aser ano NSSB Regulation 2020 nung metokmeperitem repringshimsü nangzükba atema pelar ta NSF ketdangpurtemisa ashi.

"NSF-i kaketshirtem aser lanurtem taginübatem atema noktadng federating units & sub-ordinate bodies, candidates, tsüraburtem aser public-i onok pusema nungitba atema kangasa pelar" ta NSF president Tep aser secretary education Rhi nati sangdong nungsa shia lir.

## Covid-19 India: Nisung 12,193 dak putet; 42 asü

**New Delhi, April 22, 2023 (Agencies):** Honibarnep 8:00 ako tashi tesüiba ghonda 24 tsüngda India nung nisung 12,193 dak Covid-19 putetogo ta Union health ministry-i metetdaksü.

Parnok züngsema tang linük nung Covid-19 puteta anepalurnisung 67,556 kümogo ta ministry-isa ashi.

Kasa mapang tsüngda India nung Covid-19 puteta alir nisung 42 asü aser parnok züngsema tasür ajak agi 5,31,300 kümogo, ta ministry-isa ashi.

Union Health Secretary Rajesh Bhushan-i state 8- Uttar Pradesh, Tamil Nadu, Rajasthan, Maharashtra, Kerala, Karnataka,

Haryana aser Delhi dang Covid-19 wara azüoktsü atema tetuyuba agütsüogo.

Tang tashi nung India densema linük 33 nung Omicron XBB.1.16 variant putetba osang lir ta open research platform-i Global Initiative on Sharing All Influenza Data (GISAID) ajanga metetdaksüogo.

"Tesem aika nung XBB.1.16 kanga putetba aser linük aika nung iba variant tashi tuluba küma aoba ajanga World health Organization (WHO)-i XBB.1.16 ya 'Variant of Interest' ta sangoktsür" ta WHO indang Covid-19 response nung technical lead Maria Van Kerkhove-i Hokolbarnü ashi.

## Khango aser Akato tsüngda MoU sign sütep

**Dimapur, April 22, 2023 (TYO):** Khango Konyak aser Akato Chophy nati aniba National Socialist Council of Nagaland (NSCN) teloktem tsüngda Memorandum of Understanding (MoU) ka nung sign sütepogo.

NSCN telok anaprong külemi defence atema inyaksü aser India sorkar den yimten olemtepalitsü ta MoU nung shia lir.

Telok anaprong aser Naga nung taginüba nung ajemdaker Naga yimten latetsü atema India

sorkar den sabang ka kübok yimten olemteptsü ta NSCN telok ana indang MoU nungsa shia lir.

Iba MoU nung NSCN telok ana mesüra züngsem kar anema mapa inyakra 'joint military defence' asütsüba indang shia lir.

Iba MoU nung NSCN-K chairman Khango Konyak o general secretary Hokato Vusse aser NSCN chairman Akato Chophi o general secretary Michael Yeptho nungeri sign süa lir.

## Dimapur nung Muslim nungeri Eid-ul-Fitr among

**Dimapur, April 22, 2023 (TYO):** Muslim nungeri Ramadan temeshi ita tembangba anogo nung Dimapur nung aliba Muslim nungeri Idgah Masjid ground nung namaz agütsüogo.

Honibarnep DDSC stadium anasa aliba Idgah Masjid ground nung Muslim nungeri Eid ul- Fitr among.

Dimapur nung alir dang

masü saka Nagaland den arrtsüa Assam nung aliba Muslim nungeri meyirjang aika adenshia namaz agütsüogo. Iba sentong ya Imam Fazail Ahmed-i ketdangsüa agi.

Külen, Muslim Council Dimapur-ia Muslim nungeri ajak den azükaru, takok aser tepela ngudakjang ta salem osang metetdaksüogo.

## Union MoS Dr. Murugan-i department 3 den senden amen



Union Minister of State, Dr. L. Murugan-i Phek district kübok Myanmar den arrtsütepa aliba Avangkhu yimtsüng semdangdang agiba noksa ka angur.

**Dimapur, April 22, 2023 (TYO):** April 22, 2023 nü Union Minister of State for Information & Broadcasting, and Fisheries, Animal Husbandry and Dairying Dr. L. Murugan-i Nagaland nung department asem den senden ka menogo.

Dzukou House, Raj Bhavan, Kohima nung iba senden amen aser department asemprong nungi Advisor, MLA, Commissioner, Secretary aser Director ajak aden.

Iba senden nung IPR and Soil water Conservation Advisor Imkong Imchen, AH & VS Advisor Kazheto Kinimi aser Fisheries & Aquatic Resources Advisor A. Pangjung Jamir nung aden.

Maneni, V. Maria Yanthan IAS, Vikeyie Kenya IAS, Sotsula IAS, Director IPR Dzuvinuo Thenuo, Director AH & VS Dr Nzanthung Ezung aser Director F & AR Rongsenungba nungertema senden nung aden.

Dr. L. Murugan-i Phek district semdangba sülen tanü helicopter

ajanga Lerie Helipad Kohima tonga aru.

Idangji Animal Husbandry & Veterinary Services Advisor Kazheto Kinimi, Commissioner & Secretary, Animal Husbandry & Veterinary Services Vikeyie Kenya aser Director Animal Husbandry & Veterinary Services Dr. Nsanthung Ezung nung den ketdangsürtemi pa pelaa agizüka liasü.

Union MoS Dr. L. Murugan-isa Phek district kübok Chesezu yimtsüng semdanga liasü.

World War II mapang Netaji Subhash Chandra Bose-i iba yimtsüng nung anenzük aser Dr. Murugan-i Netaji o Indian National Army (INA) nem tetushi agütsü.

"Modi'er sorkari Netaji aser INA nem tetushi agüja aser parnok taküm bendanga agütsüba tali metetdakja 2019 küm mezüing atema 70 buba Republic Day Parade nung INA veterans-i shilem agia liasü" ta pai ashi.

Paisa Indo-Myanmar arrtsü

nung mezüingbuba India yimtsüng Avangkhu semdanga liasü.

Iba yimtsüng ya Phek district kübok Meluri Sub-division nung lir.

Avangkhu nung aliba International Trade Centre nung Dr Murugan-i Prime Minister Narendra Modi'er alizüing nenshia metetdaksü.

"PM Modi-i arrtsülen aliba yimtsüng ya yimtsüng tatembangba masü saka mezüingbuba lir aser idak nung jagi linük indang terenlok mapa tenzüksüla ta ashir" ta Union MoS-i ashi.

Paisa India-i Act East Policy atema süoki ia bilemba ashi aser Avangkhu arrtsü tashi two-lane road ka yanglutsü lezmüksüba osang metetdaksü.

"Iba lenmang ajanga arrtsülen aliba tesemtem renloksü. Avangkhu nung aliba International Trade Centre ajanga shishilembaba mapa tuluba inyaksü aser connectivity tajungba akümsü imlar" ta Dr Murugan-isa ashi.

## BJP Manipur sasep nung telemsa adoka lir

**Guwahati, April 22, 2023 (Agencies):** Manipur Chief Minister N Biren Singh-ibo state nung BJP sasep nung telemsa adoka mali ta ashir saka BJP senden ka nung MLA kar maden.

Hokolbarnü Bharatiya Janata Party (BJP)-i Imphal nung rondak senden ka ayonga amen saka MLA kar iba senden nung maden.

"Minister ka nija mapa kar aliba ajanga senden nung medentet aser iba atema pai kü dang nungi temelaba meshi. Pa Madhya Pradesh kübok Indore-i ogo. Ano MLA asem Delhi nung medical treatment agidar. BJP Manipur sasep nung ken o kecha mali aser tanünga lennir ajak senden nung denogo" ta Chief Minister Biren Singh-i osangbener dang ashi.

"Lennir kar BJP high command den ajuruteptsü atema New Delhi nung oa lir" ta BJP

lennir tejen katibo ashi.

MLA P Brojen Singh-i Manipur Development Society nung Chairman menden nungi anenba ajanga BJP Manipur sasep nung telemsa adoka lir ta osang prokshi.

Hopta ka tsüngda MLA asempi pei pei lezmükba mapa toktsü aser par asem rongnung Brojen Singh ya tasembuba liasü.

Hombarnü taoba minister aser MLA Karam Shyam-i Manipur Tourism Corporation nung Chairman menden nungi anena liasü.

Shyam ya Langthabal Assembly constituency nungi MLA lir. November 21, 2022 nü pa nem Tourism Corporation chairman inyaksü lezmüksüba sülen nungi mapa kecha magütsü ta pai shidi nung shia liasü.

Pai aiben Chief Minister dang tourism corporation dak sendakba maparen indang

lemsatep saka telangzüba tajung ka danga mangu ta Shyam-isa ashi.

Manipur state sorkar nung mezüing mapa toktsübaji Thokchom Radheshyam Singh liasü. Pai taoba hopta advisor to the state Chief Minister mapa nungi anena liasü.

Taoba IPS ketdangsür Radheshyam-i politics nung shilem agütsü atema voluntary retirement agia liasü aser 2022 state Assembly elections nung Heirok constituency nungi MLA aküm.

Shyam-i ashiba ama Radheshyam-ia kasa kuli agütsü. Karam Shyam aser Thokchom Radheshyam Singh naprong taoba BJP state sorkar nung minister inyaka liasü.

February-March, 2022 nung Manipur Assembly elections agidang züngsem 60 agi akümba assembly nung BJP-i menden 32 nung takok nguteta liasü.

# KIBONG KÜMER KÜM 80 AJUNGBA

23:04:1943 – 23:04:2023.

## TEPELA ANOGO



Wb.Saku Longkumer (Arishi küm 106)

&

Wt.Nükmila Jamitsür ( Arishi küm 103), Akhoya.

Temeim Oja aser Oba, tanü tepela anogo tulu ngutetba asoshi aser taoba küm 80 tashi nena meimtepa aruba anogotem bilemteta onok ajak Kibuba tenüng nung pelateper. Küm paikato lia arur ano tanüang nena taküm tasen tenzüker ama moatsüba temoatsütem ya onok asoshi kanga tulu lir. Tsüngremi nena külemi tatem tashi meimtepa alitsüsa balaka meshiteta moatsüba asoshi onoki teti Tsüngrem tenüng asanger. Ano, Tulusang Tsüngremi nena külemi pelatepa alitsüsa arishi küm aika moajangma ta onoki sarasademtsür.

“Shirnok meimtepa alir, parnokji Tsüngrem dak lir aser Tsüngrem parnok dak alir.” 1 Yohan 4:16.

- Temeim Chirnur, semchir, puiner aser anük-apangtem.

## Tongpang Ozükum takok asoshi tenüngsang agütsüba sentong agiogo



Advisor Dept. of Water Resource. Govt. Nagaland Tongpang Ozükum election nung takok tajung anguba atema tenüngsang agütsüba sentong Cornerstone Hr. Sec. School Dimapur nung agiba noksa angur.

Dimapur, Rongchii/April 22 (TYO): Advisor Dept. of Water Resource. Govt. Nagaland Tongpang Ozükum taküm election nung takok tajung anguba atema tenüngsang agütsüba sentong April 22 nü 1:00 ako nungi tenzüka Cornerstone Hr. Sec. School dimapur nung agiogo.

Iba sentong nung Dimapur nung aliba Mongsenyimti yimtsüng nungi senso tajungtem aser Angetyongpang constituency kübok yimtsüng balala nungi senso tajungtemi shilem agia liasü.

Sentong nung o jembiba mapang Advisor-i, mapa aser wadang balala nung mazüngi liaka shirnoksa sentong nung arua shilem agitetogo parnok ajak dang kanga pelaba lemsatsep. Paisa, election tongbang ya temela masü aser takümsa tasakba liasü, ajisüaka Tsüngremi maongka agüja takok agütsüba atema tamasa ajak senteper Tsüngrem nem tenüngsang agütsüti, ta sentepa aliba lokti ayongzüka liasü.

Advisor-i, "constitunecy kübok unit 12 nung ajaki anibelem mesasai aser rongsen jenti intokba den shisatsü agi teyari tulu agütsüba ajanga iba menden alangzüktetogo aser iba atema ni aser ozü kibongi temulungjang taroktiba agi kanga pelaba lemsateper," ta ashi. "Taküm NDPP ticket aginer

aika liasü, ajisüaka Chief Minister Rio aser party-i kü dak dang masü saka angetyongpang sangertem dak tamang kateta ticket agütsü aser ticket agütsüba amajok mesüdaktsütsü ta asenoki pa dang nangzüka aser meranga inyakba ama NDPP ticket amajok mekümdaktsüi takok nguogo aser constitunecy pur dak mulungtok ayuba asoshi lenirtem danga kanga pelar," ta pai ashi.

Maneni pai, constitunecy kübok aliba Arogo, sarasadem telok balala aser kibok nung nüburtemi sarasademtsüba ajanga constituency nung lendong kecha mataloki election sunep sunepa tembangtetba atema sarasadem nung nongita yariba kija aser lokti ajak dang kanga pelaba lemsatapa liasü.

"March ita CM-i budget indang osang agütsüogo aser nia tang agi trokbenbuba budget session nung denogo saka sentongtem takümsa tajungiba asütsü ta nia kuli süteter. Lanurtem aser

entrepreneur tem taküm liyonga aotsüba dak rangloker budget yanglua lir anungji iba maongka agia sorkar scheme tem takok tashi agütsü merangtsüla," ta Tongpang-i ashi.

Election atema nüboyimba mapang tenangzükatem indang jembiba mapang,

Angetyongpang development aser welfare board ka tenzüka constituency nung kaketshisatsü bushiba, medical, Agri and allied aser sector ajak nung jenjang ajungkettsü atema jembia aliba ama takaratiba nung iba mapa tenzüka aotsü, ta Advisor-i ashiba den nüboyimba mapang nangzükatem mamai lir ta nenshia metetdaktsü.

Maneni Advisor-i, ajak longjemer maneni inyaka takok aser temaotsü nung aotsü atema ayongzüka den metongmejen metongshitapa kobika Tsüngremi maongka agütsüdir Angetyongpang atema nokdaka inyaktsü tejangraba aliba lemsatapa liasü.

Tanü iba sentong ya Anenla Ozükum lenisüba nung agi aser Chakpa, Yaongyimti, Chuchuyimlang Town, Salulamang aser Longkong nungi lenirtemi tepela o jembia liasü.

Maneni sentong nung okila Olemnungsang Ozükum-i jembia, Dimapur Mongsenyimti Senso Telongjem nungi leniri tayongzüka o jembia aser Masatoshi lemtur-i melepzüng o jembia liasü.

Sentong ya Imsenperong Jamir-i sarasademer tenzüker aser Repatozüng-i sarasademer tembanga liasü.

## Niuland DC-i metetdaktsür

Dimapur, Rongchii/April 22 metetdaktsüogo. (TYO): January 3, 2023 nü Camp mode (Area & village Commissioner, Nagaland-i wise) atema mapanglem DC metetdaktsüba ama Niuland office Niuland kima malokja lir, district kübok phase-2 Aadhaar/ anungji district kübok aliba updatation/correction drive 24/04/ nüburtem dang iba maongka ya 2023 nungi 31/10/2023 tashi agütsü asoshi metetdaktsür, ta agütsü, ta Niuland DC-i kasa sangdong ajangasa sangdong ka ajanga metetdaktsü.

## FAC Mokokchung nung Earth Day mungogo

Dimapur, Rongchii/April 22 shilem agirtem ajaki au atemba (TYO): Fazl Ali College (FAC), nung shilem agia liasü. Mokokchung nung April 22 nü Iba sentong ya Rev. Lima Eco Club-i ayongzüka Earth day Lemtur, Pastor, Union Church mungogo. Iba sentong nung au FAC campus-i sarasademer ajanga tajangzüker agütsüba tenzüker aser iba sülen Convener, indang metetdaktsü aser au Eco Club, FAC Dr. koma atemtsü iba indang Temjensangla Pongener-i okila tangazükba agüja liasü. jembia aser Principal I, FAC Dr.

Sentong nung C. Imli Jamir, I Wati Imchen-i tajungshi o Executive Member, Land jembia liasü.

Donors Association, FAC Eco Club, FAC publicity shisalen sayur liasü aser pai au officer Lipokyanger Lemtur-i, atemba ajanga tajangzüker sentong kanga tajangzüker agütsüba indang lemsatsep. agiogo aser eco club Paisa, koba mongpu nung au züngsemtem ajaki shilem tajung agia au atema tajangzüker aser kaketshirtem nem tangazükba kechisa inyaktsüla aser agütsü. Formal session minyaktsüla item indang tembangba sülen sentong nung angazüka liasü, ta ashi.



State Bank of India

STRESSED ASSETS RECOVERY BRANCH, JORHAT

Na-Ali, M G Road, Jorhat, Opp. ASEB Building, PIN-785001 (Assam) Tel No : 0376-2300193 / 2300204

[Appendix - IV-A

[See Proviso to rule 8 (6)]

### KIOJEN AYOKTSÜBA NOTICE

Securitisation and Reconstruction of Financial Assets and Enforcement of Security Interest Act, 2002 aser Security Interest (Enforcement) Rules, 2002 Rule 8(6) dak ajemdaker nüburtem dang talisa sen apur aser Guarantor(s) tem dang tekübokken agüja aliba kiojen koba sen apur ket nungi State Bank Of India Authorised Officer-i agiogo, item kiojentem ya 30.03.2021 nü tashi nung sentsüh den telemlok, cost, charges aser tanga tintokbatem Rs.2,38,02,272.00 (Rupees Two Crores Thirty Eight Lacs Two Thousands Two Hundred Seventy Two only) M/s. S. K. Motors, Proprietor: Smt Kanili Sumi and Guarantors: Shri Akato Sumi and Mrs Hukali Awomi nungi meyipa agütsü atema 27.06.2023 dak ajemdaker kong aser koma ali yamaji ayoktsü. Reserve jenjang Rs.1,52,00,000.00 aser earnest money deposit Rs.15,20,000.00 asütsü.

Ali kimong aser kiojen terasa:

Property ID: SBIN20008734539

1.Mrs Hukali Awomi tenüng nung Purna Bazar (New Colony), Dimapur, Nagaland nung Sale Deed No: SD-3208/13 dated 20.11.2013, Patta No-236 Dag No-256, Block No:2, Mouza No: 2 agi ayimjema aliba ali 2 Katha 10 Lecha aser RCC building(s).

Artsü: North : Colony Road, South : G. Kiba, East : Colony Road, West : Tokavi Awomi.

Yokyatsüyatsü atema terms aser conditions tejangjaba metettsü asoshi State Bank of India agütsüba link semdangang. Secured Creditors website:

India, the secured Creditors website:

https://sbi.co.in/web/sbi-in-the-news/auction-notices/sarfaesi-and-others https://ibapi.in/Sale\_Info\_Home.aspx

Date : 21.04.2023

Authorised Officer,

Place : JORHAT

State Bank of India, SARB Jorhat



State Bank of India

STRESSED ASSETS RECOVERY BRANCH, JORHAT

Na-Ali, M G Road, Jorhat, Opp. ASEB Building, PIN-785001 (Assam) Tel No : 0376-2300193 / 2300204

Appendix - IV-A

[See Proviso to rule 8 (6)]

### KIOJEN AYOKTSÜBA NOTICE

Securitisation and Reconstruction of Financial Assets and Enforcement of Security Interest Act, 2002 aser Security Interest (Enforcement) Rules, 2002 Rule 8(6) dak ajemdaker nüburtem dang talisa sen apur aser Guarantor(s) tem dang tekübokken agüja aliba kiojen koba sen apur ket nungi State Bank Of India Authorised Officer-i agiogo, item kiojentem ya 30.03.2021 nü tashi nung sentsüh den telemlok, cost, charges aser tanga tintokbatem Rs.2,38,02,272.00 (Rupees Two Crores Thirty Eight Lacs Two Thousands Two Hundred Seventy Two only) M/s. S. K. Motors, Proprietor: Smt Kanili Sumi and Guarantors: Shri Akato Sumi and Mrs Hukali Awomi nungi meyipa agütsü atema 27.06.2023 dak ajemdaker kong aser koma ali yamaji ayoktsü. Reserve jenjang Rs.2,05,00,000.00 aser earnest money deposit Rs.2,05,00,000.00 asütsü.

Ali kimong aser kiojen terasa:

Property ID: SBIN200007458489

1. Smt Kanili Sumi tenüng nung Y Zhimo Colony, Dimapur, Nagaland nung Sale Deed No: SD-2129/10 dated 28.09.2010, Patta No-819 Dag No-924, Block No:8, Mouza No-3 agi ayimjema aliba ali 1 Katha 4.5 Lecha and RCC building(s).

Artsü: North : Tokhio Sema, South : Colony Road, East : Tokhio Sema, West : Xukiye Chisi.

Yokyatsüyatsü atema terms aser conditions tejangjaba metettsü asoshi State Bank of India agütsüba link semdangang. Secured Creditors website:

India, the secured Creditors website:

https://sbi.co.in/web/sbi-in-the-news/auction-notices/sarfaesi-and-others https://ibapi.in/Sale\_Info\_Home.aspx

Date : 21.04.2023

Authorised Officer,

Place : JORHAT

State Bank of India, SARB Jorhat

Karnataka election nung candidate 3,000 dak temai tokteptsü



**Bengaluru, April 22 (Agencies):** May 10, 2023 nü Karnataka Assembly election nung candidate 3,044-i tokteptsü, ta Karnataka nung Chief Electoral Officer-i metetdaksü. Candidate 3,044 nungjagi candidate 219 BJP nungi lir,

Congress nungi candidate 218, JD(S) nungi candidate 207 aser tanüngbaji party tilatem nungi aser Independent candidates lir, ta CEO office ajanga metetdaksü. Candidates nungi nominations ajak senteper 4,989 agizüka liasü aser candidate-i tenüng agientsü

atema tatemangbuba anogoji April 24 asütsü.

Nomination file asüba tatemangbuba anogo, April 20 nü Bangalore Rural nungi Congress lenir, D K Suresh-ia nomination file asü; kasa menden nungji tedi, Shivakumar-ia tokteptsü.

Ruling BJP-i Shivakumar indang nomination magizükdaksütsü atema asalentong yangludar, ta osang angazükba agi nominations ji magizük nungbo Suresh-i tokteptsü tebilemba nung pai nomination file asü.

India nung ano nisung 12,193 dak Covid putet aser 42 asü

**New Delhi, Rongchii/April 22 (Agencies):** India nung ano nisung 12,193 dak coronavirus putet aser ibaji densemabo tang iba tashidak agi teshirangdakpur 67,556 kümogo, ta Honibarnü Union health ministry-i metetdaksü.

5,31,300 süogo. Tang lintik nung iba tashidak agi teshirangdakpurtemji covid caseload nungi shilem 0.15 lir aser iba tashidak agi shirangertem anepba shilem 98.66 lir.

Tesüiba ghonda 24 tsüingda linük nung coronavirus agi shiranger nisung 42 süogo, aser ibaji densemabo linük nung iba tashidak agi ajak senteper

Iba tashidak agi shiranger 4,42,83,021 anepogo aser coronavirus vaccine dose ajak senteper crore 220.66 agütsüogo, ta health ministry-isa metetdaksü.



Government of India  
Department of Atomic Energy  
**Bhabha Atomic Research Centre**  
Trombay, Mumbai 400 085, Maharashtra

“Government strives to have a workforce which reflects gender balance and women candidates are encouraged to apply”  
**ADVERTISEMENT No. 03/2023/BARC**

Opening date and time for submission of online application	24-04-2023 (10.00 hrs)
Closing date and time for receipt of online application	22-05-2023 (23.59 hrs)

Online applications are invited from eligible Indian Citizens for filling up various Posts of Constituent Units of Department of Atomic Energy (DAE) through Direct Recruitment / Training Scheme

Post Code	Discipline / Trade	No. of Vacancies						Reserved for PwBD
		SC	ST	OBC	EWS	UR	Total	
<b>Direct Recruitment – Technical Officer/C</b>								
DR-01	Bio-Science/Life Science/Biochemistry/Microbiology/Biotechnology	00	00	00	01	00	01	
DR-02	Chemistry	01	00	03	00	05	09	
DR-03	Physics	02	00	04	01	07	14	PB-LV-1
DR-04	Architecture	00	00	00	00	01	01	PD-HH-1
DR-05	Chemical	03	02	03	02	10	20	
DR-06	Civil	03	01	06	03	07	20	
DR-07	Computer Science	01	00	06	03	02	12	
DR-08	Drilling	02	00	01	01	04	08	
DR-09	Electrical	02	01	07	03	10	23	
DR-10	Electronics	04	02	05	01	03	15	PD-HH-1, LD-OL-1
DR-11	Instrumentation	01	00	02	01	04	08	
DR-12	Mechanical	08	04	11	06	15	44	
DR-13	Metallurgy	00	00	01	00	02	03	
DR-14	Mining	00	00	00	00	02	02	
DR-15	Library and Information Science	00	00	00	00	01	01	
<b>Direct Recruitment – Scientific Assistant/B</b>								
DR-16	Food Technology / Home Science / Nutrition	1	0	3	0	3	7	
<b>Direct Recruitment – Technician/B</b>								
DR-17	Boiler Attendant	1	3	6	4	10	24	
<b>TOTAL</b>		<b>29</b>	<b>13</b>	<b>58</b>	<b>26</b>	<b>86</b>	<b>212</b>	
<b>Stipendiary Trainee – Category I</b>								
TR-01	Biochemistry/Bio Science/Life Science/Biology	2	0	7	0	12	21	LD-OL-1
TR-02	Chemistry	24	14	60	19	52	169	PD-HH-3,LD-OL-1,LD-Dw-1
TR-03	Physics	23	13	41	11	29	117	LD-OL-1, PB-LV-1
TR-04	Computer Science	3	0	5	5	12	25	PD-HH-3, PB-LV-1, LD-OL-2, LD-OA-2
TR-05	Agriculture	0	0	0	0	2	2	
TR-06	Horticulture	0	0	1	1	4	6	PD-HH-1
TR-07	Chemical	23	10	59	16	63	171	
TR-08	Electrical	27	12	45	18	42	144	
TR-09	Electronics	18	7	32	11	30	98	PD-HH-6,LD-OL-3,LD-OA-2
TR-10	Electronics & Instrumentation	8	2	20	7	22	59	
TR-11	Mechanical	48	24	107	46	103	328	PD-HH-1
TR-12	Metallurgy	1	0	1	2	1	5	
TR-13	Architecture	1	0	0	0	1	2	
TR-14	Civil	8	2	18	14	20	62	PD-HH-2, PB-LV-2, LD-OL-1, LD-OA-1
TR-15	Automobile	0	0	2	1	1	4	
TR-16	Industrial Safety	1	1	0	0	1	3	
<b>Stipendiary Trainee – Category II</b>								
TR-17	Fitter	56	36	152	112	342	698	
TR-18	Turner / Machinist	19	6	36	45	107	213	
TR-19	Welder	6	8	23	17	45	99	
TR-20	Mechanic Machine Tool Maintenance	0	1	4	0	13	18	
TR-21	Electrician	27	22	119	54	177	399	LD-OL/LC/Dw/AAV-2
TR-22	Electronic Mechanic	14	17	54	24	117	226	LD-OL-2, LD-Dw-1
TR-23	Instrument Mechanic	11	8	35	20	78	152	
TR-24	Refrigeration & Air Conditioning Mechanic	4	5	28	9	49	95	PD-HH-1
TR-25	Draughtsman (Mechanical)	3	3	14	5	27	52	LD-OL-5, LD-OA-1,LD-OL/OA-1, LD-Dw-1, PD-HH-2
TR-26	Draughtsman (Civil)	1	0	2	4	8	15	LD-OL-1, ASD/SLD/MI/ID-1
TR-27	Mason	2	1	8	6	13	30	PD-HH-3, PB-LV-1
TR-28	Plumber	1	0	12	8	21	42	PD-HH-1, LD-OL-1, SLD-2
TR-29	Carpenter	1	1	7	5	13	27	SLD-1
TR-30	Mechanic Motor Vehicle	1	0	8	2	13	24	
TR-31	Diesel Mechanic	3	1	4	5	6	19	
TR-32	Plant Operator	35	25	154	47	271	532	
TR-33	Laboratory	6	22	90	25	160	303	PD-HH-2, LD-OL-3
TR-34	Dental Technician - Hygienist	0	0	1	0	0	1	
TR-35	Dental Technician - Mechanic	0	0	0	0	1	1	
<b>TOTAL</b>		<b>377</b>	<b>241</b>	<b>1149</b>	<b>539</b>	<b>1856</b>	<b>4162</b>	
<b>GRAND TOTAL</b>		<b>406</b>	<b>254</b>	<b>1207</b>	<b>565</b>	<b>1942</b>	<b>4374</b>	

For detailed advertisement, please visit the website <https://barc.gov.in> or <https://recruit.barc.gov.in>.  
Corrigendum, if any, issued on the above advertisement will be published only on BARC website

Poonch nung sepai amakba sülen sepaitemi nisung 12 pua lir

**Srinagar, April 22 (Agencies):** Brihostibarnü Jammu & Kashmir kübok Poonch nung kiralongrartemi sepaitem amakdang sepai pongu asüba sülen sepaitemi drones, azü aser helicopters amshia kiralongrartem bushidar.

J&K kübok Poonch nung kiralongrartemi Rashtriya Rifles sepaitem indang truck ka amakdang sepai pongu asü.

Kiralongrar pongui tip asem tsütsülen nungi sepaitem truck ji prangpong, grenade aser bomb amshia amak aser gari nungji mi adok.

Iba tatalokba dak sendakba nung asüngdangyatsü atema Honibar tashi nung nisung 12 pua lir, ta sepai ketdangsertemi metetdaksü.

Hokolbarnü Director General of Jammu & Kashmir Police, Dilbag Singh aser Additional Director General police, Mukesh Singh na anasa aliba Rajouri district nung monga bushisüngdangba maparen ketdangsüdar.

Deputy Inspector General (DIG)-rank officer ka leniba nung National Investigation Agency (NIA) team kata iba tesem jagi oa lir. Iba ken o ya NIA nem agütsütsüa akok.

Ketdangsertemi ashiba agi, sepai amaker kiralongrartemi tesüiba küm ka dak tali Rajouri aser Poonch nung monger asütsüa akok, kechiyong parnoki iba tesemji kanga junga meteta liasü.

Tang Rajouri aser Poonch district na nung kiralongrar telok asem-pezü shi kanga yakyaka lir, ta osang angazüker.

Jaish-e-Mohammed indang wing People's Anti-Fascist Front (PAFF)-i parnoki sepaitem amak ta nangzükogo, ajisüaka ketdangsertemi Lashker-e-Taiba telok dak-a melung malemer.



# TIR YIMYIM

## YIMOBILEM (EDITORIAL)

DIMAPUR AMUNGNÜ, RONGCHII (APRIL) 23, 2023

### Nisung masü, Tsüngrem asoshi

**A**senok aikati Tsüngrem tenzükner saka nisungbo metenzükner aser Tsüngrem asoshibo mapa tajung inyaker saka nisung asoshibo kecha tajung meinyakner. Aji oda, asenoki inyakba mapatem nung Tsüngrem asoshi inyakba o nisung atema inyakba na tsüngda medemdangra tepila talangka angutsü. Tsüngremi dang asenok nem ajak agütsür, anungji Tsüngrem asoshi asen tajungtiba inyaksübaji kanga tetemsü aser dalang. Ajisüaka, alima nung asenoki asen tenük agi ngua Tsüngremi achitsüsa aser agitsüsa kecha agia meyaritetsü. Ibayongji, Tsüngremi ashir, asenoki alima nung sensaktiba mesüra tilatiba ka dang meimbaji Pa meimba den kasa lir. Tetezü, Tsüngremi asenok dang Pai koba ama asenok meim aser angati taochi agi kümzük, yamaji Pa dang meimtsüba indang masü saka Pai kechi koma asenok meim, yamaji asenok rongnung kati ka meimtepang ta dang pai ozüng tasen ka asenok nem agüja lir. Asenokibo asenok dang memeimer mesüra kecha nüngdak maliba nisungtem dang temeim sayuba mesüra teyari agütsübaji teindok amato bilemstüa akok. Aji oda, alima nung asenok atema menüngdakba purtem mesüra asenok kodanga meyaridangba nisungtem nem teyari ka agütsüsübaji parnok dak malang ta asenoki bilemstüa akok. Ajisüaka, Tsüngrem tsüngdangbo asenoki nisung tenzükba aser nisung dang ajungbaji Pa dang ajunger aser Pa dang meimba den kasa lir. Kolosi tapu 3:24 nung, "nenoki kechisa inyakdir aji nisung dang masü, saka Kibuba dang temulung ajak agi inyakang, kechiyong iba jagi Kibuba Khrista tenzükner," ta shia lir. Iba lai tekong nung shia aliba oren ya kanga tongmelang aser tangatetsü temela saka asenok atema teinyaktsü tasak asütsüa akok. Iba lai tekong nung shia aliba Tsüngrem o jagi asenok nem angatetdaksünübaji, asenoki tangar dang temeim mapa inyaksübaji nisung dang masü saka Tsüngrem dang inyaker ama bilema inyakang ta ashir. Kibong nunga asenoki apuani dang parnok masü saka Tsüngrem dang meimer ama meima akümtsübutsüla. Aji oda, asenok mapa inyakdak medemertem aser lenirtem den parnok tenzükner ama masü saka Tsüngrem tenzükner ama bilema asenoki tenzüktsüla. Asenok aikati Tsüngrem tenzükba mapa ya arogo nung tenzükba mapatem dang amai bilemer. Ajisüaka, arogo nung tenzükneri nisungtem metenzüketra, ibaji Tsüngrem tenzükner masütsü. Aji oda, kechi koda Yisu Khristai asenok tenzük, yamaji asenoki Pa tenzüktsüba masü, saka asenok medemer o medemer na kati ka taoba ta züngshia tenzükdaksüner. Aji oda, nisung masü saka Tsüngrem tenzükner ama temulungjang nung bilema tangar tenzüktsübaji Yohan 13:14 nunga shia angutsü. Tsüngrem tenzükba tenla kidangi orr Pa külembaji dang masü, mesüra sayutsüngia senzüba kijajia masü, saka shibai Tsüngremi ashiba angaa tangar tenzükner aser nüngdakba purtem yarir, pa mesüra lajang Tsüngrem tenzükner asütsü. Aji oda, kodang asenoki Tsüngrem temeim indang angtetdir, asenokia tangar dang temeim sayunütsü. Tsüngrem tenzükba mapaji kecha masü saka temeim agi tangar yariba aser ajemalua tangar tenzükba mapatem asütsü. Kodang asenok mapa inyakdak asenoki ochi ashir aser meranga inyaker, ibaji mapa kibur masü saka Tsüngrem tenzükba mapa akümer. Ibayongji Kolosi tapu 3 nung apuani tsüngda, tsürabur o tanurtem na tsüngda, kilir o kibur na tsüngda aser medemer o medemer na tsüngda nisung tenzükner amato masü saka Tsüngrem tenzükner amato bilema meimteptsü, yariteptsü aser tenzükteptsü indang ashir. Aiben asenoki nisung dang ajunger amato bilema ajungba agi aser nisung dang meimer amato bilema meimba agi, meimaka aser yariaka, item nung jagi tepela aser tesünep mangur. Tsüngrem nem asenoki kotaki tur tenla magütsütetsü, mesüra Tsüngrem nem asenoki sempet ka tonga oagi agütsütsü tamakoktsü, ajisüaka, Tsüngrem tenüng nung asenoki nüngdakba purtem aika yaritettsü aser asenok o asenok na putepa litetsü. Tsüngremi meimba tenüng nung agütsübabo tzü zü marok ka danga meküpdoki malitsü ta Lai o nung shia lir. Itemji angateta, asenoki nisung dang masü saka Tsüngrem dang ajunger amato junga litetra, alima nung kotakji asen alidakji asütsü.

## OLEMSABANG

IBA LIMA NUNG TEPUR AJUNGBA MESÜRA MAJUNGBA,  
TAKÜM ALIBA MESÜRA MALIBA OSETTEM AJAK  
TSÜNGREMI NÜKJIDONG KA YUR YANGLU TA ANGATETER

~ R.Imkong Lkr, Aolijen Mepu, Mokochung

(Yashi adok nungi...)

Tanabuba nung ano tepur ajungertem rongnung karibo pei tepur ajungba dakji temulung kanga alemer, aser pei sasa tiyak sanga asükemer, ngangangadema aliba ajanga tesülenbo pa mesüra la tu timtemi aiba angutsü.

Tasembuba nung tanü asüng aiertem aser asangurtemi taoba mapang nung kari pei süoshi mejpsar asema amaji tanüa karibo item jilo tu ia pei süoshi tajungtem tu tapok aika keta mejpsar asemer aser kima yimdongi oa senzüdang balakata tantsürtem aser tambourtemi item amala tesembatsü süoshi tapok aika keta mejpsar asebatu angudang kanga menünüasa repranger, aser ashir, tanü asüng aier asangurtem aika tükolok raksar senzütepdagi tasa repranger.

Yamaji tejen lai putu mapang nunga tetsürtem rongnung tepur ajungba indang kar shia angur. Lipok tapu 20: 2-3 nungji Abraham kinungtsü Sarala ya tepur kanga tajung liasü ta ashir, iba jagi Abimelik chubai la tepur ajungbaji ngua parnok Gerar lima nung lia alidang laji pa kinungtsü asütsü atema chubar kidangi aniok ta lai nungji shia angur, saka tensa jagi chubai mulungba sendongji matalok ta lai nungji shia angur. Tanabuba nung ano Abraham chir (Issac) Isaak kinungtsü Rebika ya tepur kanga tajung liasü ta lai nungji shia angur. Iba jagi Felistia chuba Abimeleki laji pa kinungtsu asütsü atema kanga nükshia repranga liasü ta Lipok tapu 26:8-9 nungji shia angur.

Yamaji tanü mapanga England chubatsür Elizabeth chir Charles kinungtsu Lady Diana ya ken mapang kabo alima ajunga nung tepur tajungtila ta züngshia liasü. Saka kodang lai lar jabaso ana tashi sotsü aser ano tanurji tain mekümjungi alidang lai la tepur ajungba dakji temulung kanga alem aser kanga tiyak sanga bilem ta otsüi ashir, aser lai la kinungbo Charles jagi temulung mesüi aküm, (not satisfied by her husband) aser tangar tebur ka den meimtep tenzük, tetezü la mulungjangi mojing iadok, yamaji temalen shia aruba amatu tepur ajunger kati teti agia tenük tasen adoker, tetezü tenük mero meroba tali akümer, ibaji ajanga la tetong tasenba (new lover) denji kenü anogo mapang tajung ka nung oya alidang tia makai aoksa ka gariji meküpok aser tenaprongla yangji taküm tembanga tsükseta asü ta otsüi ashir. Aji oda pei jabaso ana tashi sozüka doktsür yia mataa pei shi azü jangratema linü dang kodanga meyanglushitettsüsa tansütsü otsü ka ataloka asübaji tanü tashi alima nüburttemi mamateter aser sasasete bilemstür (Irreparable lost). Aji oda la dakji iba timtemji matalok ka asü asübo tanü mapang ya laji queen of England kümer lila ta alima sangertem sasasete bilemstür. Yangi ano Kibuba Tsüngremi yamai ashir, Tsüngrem anema langzüba na ya shiba? Teyangluba oseti teyanglur dang kechiba nai ni yamai yanglu ta ashitsü akok asü? Rome tapu 9:20. Masü, yamaji kodanga masü, kodaser nisung chiri Teyanglur Tsüngrem den langzüteptsü akok! yamaji iba lima nung aliba nisungtem ya pa mesüra la tasodangyongi Tsüngremi kechi nükjidong ka yur yanglutsü ibaji anema nisung chir shingaia kecha meinyaktettsü ta metetdi. Aji oda nisung ka pa mesüra la tasodang yongi tepur ajungba mesüra majungba indang shingaia Tsüngrem anema jembitsü makok ta meteti. Saka nisungtem rongnung karibo yamai ashir, iba lima nung Tsüngremi nibo tepur yamai mejungi yanglutsü no? Mesüra Tsüngremi nibo tia yamai mejungi yanglutsü no? ta sasasete bilema lira, pa mesüra laji koda tamashi nisung ka asütsü! Aji oda Tsüngremi pa nükjidong tajung ka yur asenok meimchir takümtem ya yanglu ta Rome tapu 9:21 nungji shia angur. Anungji asenok nisung shiai tepur tajung süshia mesüra mashir süshia, takar süshia mesüra sensaker süshia, tulur süshia mesüra tilar süshia parnok ajakji Tsüngremi nükjidong kaka yur yanglu ta metettsüla. Aji oda nisung shia nem kechi tia moatsü mesüra lemsüktsü iba dakji temulung sür alitsübaji ajak dang tajungtiba asütsü ta lemsateper.

**Iba Olemsabang nung lemsaba ken-o aser shisatsü ya iba ocet züluri bilemba ken-o ama tazünger angateta agitsü mepishir**

## SatanCon benjung nung Khrista osangtjung proktsü



2022 küm February 11-13 anogotem nung Arizona kübok Scottsdale yimti nung SatanCon 2022 benjung nung tangokba noksa nung angur.

**April 22, 2023:** SatanCon 2023 benjung atongtsü mapang ana nung lia America nung Khristantemi Satan külemertem den Khrista osangtjung proktsü tebilemba lir.

SatanCon benjung ya Boston nung ayongzuka agitsü aser iba benjung nung satan külemer meyrjang aika adenshitsü, aser taküm ayongzükba sentong nung satan külemer teimtiba adenshitsü, ta bilemer.

America nung tamangtir aikati, Tsüngrem leniba nung parnok-a Boston-i oa iba sentong nung adenertem den Khrista osang tujung lemsateptsü, ta shiogo.

SatanCon ya April 28 nungi April 30 tashi Boston nung "Hexennacht in Boston," omen nung amongtsü; koba tetezü German oshi nung "Boston nung Arasenertem aonong".

Boston Mayor, Michelle Wu-i yimti nung satanic sentong kecha memelaba agi iba sentong ya Bean Town nung ayongzük.

2021 küm July ita nung satan külemertemi 'Satan Appreciation Week' nungtem nung parnok indang wako Boston City Hall nung asongtsü mepishi, saka parnok mepeishibaji magizükba atema parnok yimti ketdangsertem anema ken o benok.

Boston nung Intercessors For America (IFA) nungi Scottish sisters Suzie aser Lynn MacAskill nati, America tesem balala nungi aser denomination balala nungi Khrista dak amanger noklang aika longjemtsü aser satan sentongji agientsü atema masü saka iba sentong nungji Khrista tenung nung asentenshi milak adokdakjang ta sarasademtsü, ta metetdaksü.

Suzie MacAskill-i, satan sentong dak sendakba sarasadem onük Tsüngremi melentsüogo, ta ashi.

Christian Post den jembidang Suzie MacAskill-i, "Tsüngremi mangdang ajanga kü dang, iba ya kü alu wadang (satan sentong) asütsü tuyu," ta metetdaksü.

"Iba sentong atema Tsüngremi melungba chichia bushidang kü tebilembaji Tsüngrem melung masü liasü. Anungji samaba tanelatemi Pa temeim jangjatsü aser iba sentong nung Pai melungba ataloktsü atema sarasademer," ta lai ashi.

2022 küm lai IFA nung aden; iba telok nung sarasadem tamangtir million ka tesadang shi lir.

Suzie MacAskill-i ashiba agi, tangartemia la dang, Tsüngrem dang iba sentong agientsü atema masü saka iba sentong nung adener satan külemertem dang tesangwa sayutsü atema sarasademang ta Tsüngremi tuyuogo, ta shiogo.

IFA Boston lenir, Lynn MacAskill-i, "Kodak tenyartem aikati Boston longbanga aliba mangdang aikati nguogo," ta ashi.

Parnoki yamai shinzüko- Satan sentong agiba tesem nungji nisung aika temelung meyip, sarasadem aser satan sentong agiba kima Kibuba benjung agi, ta lai ashi.

"Tsüngremiibo mapang talangka nungi iba sentong yanglua liasü ta Suzie künati angatetogo. Iba ya ajanga tesünep angur, kechiyong anogo ishika tsüngda onoki tongbang raraba tesemi aotsü," ta lai metetdaksü.

Satan sentong agiba tesem anasaji IFA dang masü saka linük tesem balala nungi Khristantem aika Massachusetts nung adenshitsü.

Lynn MacAskill-i, "Linük

tesem balala nungi sarasademertemi Tsüngremi parnok dang Boston-i oang ta tuyuba osang angashia onok kanga pelar," ta metetdaksü.

SatanCon benjung aliba mapang nung Revive Boston conference-a agitsü, aser iba mapang nungji osangtjung prokba indang tesayuba agütsütsü aser team aika Boston-ia yoktsü.

SatanCon 2023 ya Satanic tekülem ki tenzükbä sülen küm 10 ajungba benjung lir, ta parnok indang website nung shia lir. Iba sentong nungji panel discussion agitsü, satan külemküjatsü, südoksünem sentong agitsü, satanic kiyimba sentong aser satan market lapoktsü.

Tsüngrem tiyongtsüi aita mapa inyaksü, ta shia Suzie MacAskill-i, "Tsüngremi langka tasen inyakdar, ta ni amanger aser Pai mapa inyakba mapang nung tamangertem longjemtsü ayongzük. Massachusetts, New England aser iba linük nungi tamangtirtem aika longjemtsü aser temenen atema tsükchirtem sentongji Tsüngrem sentong atema Pai amshitsü," ta ashi.

"Samaba tanelatem anir arutsü atema onoki sarasademer," ta laisa shisem.

Boston nung IFA den longjemtsü jangrar Khristantem atema lenirtem sentong aika yanglua lir, ta Lynn MacAskill-i ashi.

Khristantem dang samaba tanela anir arutsü aser tekümtet angutsü atema lumia sarasademdaksüner, ta lai mepishia metetdaksü.

"Tamangertem aika Boston-i arua sarasademtsü aser Khrista osangtjung lemsateptsü. Tsüngremer sepai noklang aikati Satan külemertem ajurutsü, ajisüaka kodak tenyartem asenoki pusemstü," ta lai ashi.

## ANOGO ABEN TSÜNGREM DEN

### TENZÜKBA AJANGA TUSHIBA

"Tepela agi Kibuba tenzükbang, Pa tsüngdangi ken tena arung". T.Ken 100:2.

Tepela ola jagi tepelaba tenzükbä mapa dangi anir. Asenoki Kibuba pelaseta tenzükdä süra, asenok o temji mapa kümdaktsütsüla, Yisu anemsü agi külemertem dang tekümdangtsü ashi (Matt. 15: 8). Asenoki Kibuba koda chichiba nung külemertem?

Mezüngbuba asenoki mulungsoa tenzüksüla. Tsüngremi mulungba inyaksü asoshi asenok alangzük. Iba tekong ya tejen lai nung Yihuda nung asoshi tongtibang, kechiaser parnok alar indangji meteta liasü. Tsüngremi pa tenzükdaktsütsü asoshi parnok Eji nungi anitet.

Tanabuba, mejameja tenzüksüla. Asenoki Tsüngrem aser tangar ka külemi tenzütsü makok (Matt. 6:24, Anitet 20: 2, 3).

Saka Yisu asoshi asenoki tangar tenzüksü akok. Asenok alizungji Pa dang peladaktsütsüba lir. Tasembuba, asenoki pelashishia tenzüksü akok. Khen khen asenok tamatokba chir o entepba tambusang ama jaklar; asenoki Tebui mulungba aser mapa inyaksü akok, saka asen mulungjang Pa mulungjang nungi talangka piladaksür.

Memulungi inyakba mapa Tsüngremi maginür. Iba jagi raksatsür. Kodang asenok pelashishia tenzüker, asenok aginür, renloker aser ajungmesodaktsür. Kibuba tenzükbä nung na pela lir ma?

#### SARASADEM:

Tsüngrem na pelashishia tenzüksü  
ajungshidakjangma. Amen

## Indonesia nung küm 15 sülen Tenla ki ka tanaben lapokogo



Indonesia kübok Bogor yimti nung aliba Yasmin Arogo nung lenirtemi Tenla ki permit sayuba noksa nung angur.

**April 22, 2023:** Indonesia nung Jakarta kübok Bogor yimti nung aliba Yasmin Arogo Tenla ki dak sendakba nung küm 15 tashi mangatetep adoka aruba sülen tesüsa Easter Sunday (April 09, 2023) nü lapoktsü melaogo, ta International Christian Concern (ICC)-i metetdaksü.

Bogor nung Mayor, Bima Arya-a Tenla ki tanaben lapokba sentong nungji dena liasü.

Iba sentong nungji jembidang Bima Arya-i, mapang talangka lir Yasmin Arogo Tenla ki tanaben lapokba ajanga pai tebilemba ana külemi ajangshir-sasar saka pelar, ta ashi.

"Sasaa bilemba ka aser pelaba onük ana lir. Arogo züngsemtemi iba mangatetep tekaraba nung bentetdaksünüa aliba ama meinyaktetba atema sasar. Pelar, kechiyong küm 15 tashi timtemaka tesüsabo tepela nung tembanger," ta pai ashi.

Bogor nung Yasmin Arogo lenirtemi tesüiba küm 15 tashi Tenla ki permit atema

ketdangsertem den jembia aruogo. Iba Tenla ki ya mezüng 2010 küm lapok saka kobi melii sorkar ketdangsertemi building permit ji agienja liasü.

2010 küm nungjisa Indonesian Supreme Court-i iba Arogo Tenla ki asütsü permit ji shidak dang, ta oshidang agütsü, ajisüaka local ketdangsertemi Tenla kiji tanaben lapoktsü memela.

Bogor nung nütsüng teimba aliba Muslim nungertemi ashishiba ajanga Yasmin Tenla ki lapoktsü memela.

Taküm Easter Sunday nü Yasmin Arogo Tenla ki tanaben lapoktsü melaba ya küm 15 tashi raraa aruba sülen takok anguba tongbang ka lir.

Indonesia nung Tenla ki tasen asütsü atema temelaba angutsüji kanga tasak. Linük temzüng nung tamangba yimsü ajak nem temeden agüja lir, ajisüaka atangji nungbo iba temeden shidak agütsütsü atema ano mapang talangka lir.

**AO OSHI ANGAZÜKDAK:  
TANÜ ANGAZÜKTSÜBA OJANG**



**Porep**

(n) ali chipo tejaksa ( broken earthen pot)  
\* Akhidangbo ozü kidang **porep** aika liasü.

**Posangmung**

(n) temang nung tasodang keter asoba tamaitüsü (birth mark)  
\* Nisung shia dak **posangmung** kakabo keta alir.

**OLONG PAITEP # 6493**

15x15 crossword grid with numbered starting points for words.

**TIPIEN**

- 1. Nisung jenti - (5)
- 4. Tsük rudenba - (5)
- 6. Temzüng tesashi - (5)
- 8. S\_ \_ \_ i - (3)
- 9. Nisung rongnung telemsa - (3)
- 10. Anogoshi - (4)
- 12. Ajanga aor - (4)
- 13. Tsük rizüngdak - (3)
- 14. Tebang nungi adokba - (3)
- 16. Süngdong tatembanglita - (5)
- 17. Meputep - (5)

**LANGTSÜNGLEN**

- 1. Tenük telong - (9)
- 2. Committee dang ajar - (5)
- 3. Yagi ki okdoker - (7)
- 5. Yim lenmang - (5)
- 7. Temoatsü keter meyipa aruba - (9)
- 11. Kanga junga menemba - (7)
- 12. Kenyongi majinü - (5)
- 13. Rong kanga tulu - (5)

**OLONG PAITEP # 6492 TELANGZÜBA**

**TIPIEN :**

- 1. Telok, 2. Sapu, 4. Alo,
- 5. Anü, 7. Kin, 8. Teti, 10. Süir,
- 11. San, 12. Amo, 13. Nok,
- 14. Tulu, 15. Mazük.

**LANGTSÜNGLEN :**

- 1. Tenükjang, 2. Kiochtsü,
- 3. Senti, 4. Ain, 6. Tajangzük,
- 9. Teronem, 10. Semtu,
- 11. Sak.

**Agüja aliba noksa nung meputepi  
aliba 7 bushiang**



**CM Sarma-i New Delhi nung Assam House tasen atema lung azüngtsü**

**Guwahati, April 22, 2023**

(Agencies): Assam Chief Minister Himanta Biswa Sarma-i Honibarnü New Delhi nung Assam House tasen ka yanglutsü lung azüngtsüo.

Dwarka nung Assam House tasen ajanga shirangertem aser kaketshirtem nüngdakba agütsüsü. Maneni New Delhi nung Assam House tejenba ana nung ketdangsürtem anenzüksü, ta CM Sarma-i ashi.

Dwarka nung Assam House tasenba ya ita 18 tsüngda yangluzüksü aser 7 Sardar Patel Marg nung aliba Assam House June ita bentoker tasen ka yanglutsü ta paisa metetdaksü.

PWD (Building and NH) Department kübok mapatong ajak küm ana tsüngda renemtsü



**Himanta Biswa Sarma**

ta Chief Minister Sarma-isa ashi.

Assam state sorkari Vellore aser Bangalore nunga Assam House ana yanglutsü aser Kolkata nung aliba ki tejenba bentoker tasen ka yanglutsü. Chennai nungbo Assam House ka yangluogo, ta paisa shisem.

"State sorkari Mumbai nung Assam Project ka atema ali alizükogo aser iba ajanga

Kamakhya temple, Batadrava, Rangghar, Namgar amala Assam indang sobaliba senmang sayutsü. Iba mesükba mapatong ka inyaksü atema New Delhi nunga kimung ka bushir" ta paisa metetdaksü.

Assam nung lungkak aitiba anogotem suitemogo aser roads, flyovers & bridges amala infrastructure projects aika inyakogo aser teinyakdak lir ta Sarma-isa ashi.

Sorkari medical colleges 24 yanglutsü lemtetogo aser ibanungi 12 renemogo, ta paisa shisem.

Dwarka nung Assam House tasen ya Rs 21.66 crore endoka Assam Public Works (Building & NH) Department ajanga yanglutsü. Iba atema kimung 1,000 square metres renema lir.

**Arunachal nung 4G mobile towers 254 lapoktsü**

**Itanagar, April 22, 2023**

(Agencies): India aser Arunachal Pradesh sorkartem külemi yaritepa April 22, 2023 nü 4G mobile towers 254 lapokogo.

Iba sentong nung Minister for Communications, Railways and Electronics & IT Ashwini Vaishnaw; Union Minister for Law and Justice Kiren Rijiju; Arunachal Pradesh Chief Minister Pema Khandu Union Minister of State for Communications Devusinh Chauhan aser Arunachal Deputy Chief Minister Chowna Mein nunger aden.

Mobile tower ajanga Arunachal Pradesh kübok

yimtsüng 336 nung alirtem ajanzüksü.

Iba dak alia Bharat Net scheme kübok Gram Panchayats 1,310 tashi optical fiber agi sendaktepogo aser digital inclusion atema Towers 1,156 amenoktsü sentong lir.

Itanagar nung tenzükba 5G services tanga tesemtem nunga angutsü.

Tesüiba küm 8 tsüngda Centre sorkari merangba ajanga Arunachal Deputy nung railways, roads aser telecommunications connectivity nguogo ta Deputy Chief Minister Chowna Mein-ashi.

"Tayongzükbatem kokteta

connectivity bener arutetba atema tenüngsang agütsü aser Itanagar nung national postal hub ka amenoktsü sentong lir" ta Union Minister of State for Communications Devusinh Chauhan-ashi.

2014 küm nungi Arunachal Pradesh nung infrastructure tsütsü temelenshi aika süogo aser iba ajanga state balaka melenshiogo ta Chief Minister Pema Khandu-ia ashi.

"Digital inclusion ajanga ochimashi agienogo aser e-governance tenzükogo. Arunachal Pradesh nung 100% e-office tenzükogo aser assembly nung e-Vidhan project tenzükogo" ta paisa metetdaksü.

**Tripura nung yipru aser tzünglu ajanga ki 2461 raksatsü**

**Agartala, April 22, 2023**

(Agencies): April 21, 2023 nü tzünglu tashi aruba aser yipru aitba ajanga kiojen 2461 raksatsü aser kibong 120 tashi relief camps nung jenoka lir.

Tripura kübok Khowai district nung takoksa tuluba ajuruogo ta State Emergency Operation Centre-i ashi.

"April 21 nü yipru ajanga Khowai district nung kiojen 1105 raksatsü" ta State Emergency Operation Centre ketdangsür kati ashi.

Khowai district sülen Dhalai district kübok Longtorai Valley Sub-division nung kiojen 848 raksaogo ta paisa ashi.

Sorkari relief camps ana lapokogo aser idakji kibong 120 nungi nisung 534 jenoka lir.

Maneni, North district kübok Kanchanpur sub-division, Unakoti district nung Kumarghat sub-division aser Dhalai district kübok Gandacherra nung kiojentem aika raksaogo.

**Ukhrul nung Rs 1.12 crore alang süng abenba truck 3 apu**

**Imphal, April 22, 2023**

(Agencies): Manipur kübok Ukhrul District nung Assam Rifles sepaitemi miima süng shibelenba maparen ka putetogo.

Assam Rifles sepaitemi Nungshong bridge nung truck gari asem nung Rs 1.12 crores alang süng bena aliba apu, ta defence sangdong ka nung metetdaksü.

Parnoki apuba süng aser

shibelenertemji Forest Beat Officer, Ukhrul ket nung agütsüogo ta sangdong nungsa shia lir.

Külen, Wangoi Assembly constituency nung Civil Social Organisations ajaki ozüng alema Mayai Lambi state highway nung süng abenba noktangtsü mapa ka tenzükogo.

Iba lenmang ya Imphal nungi Mayang Imphal sendakteper ta MLA Khurajam Loken-ashi.

Aonung tesüi Mayai Lambi ajanga miima süng belener ta osangtem angazükba sülen parnoki are maser lipoküm wazüka ayutsü atema iba mapa tenzükur ta MLA Loken-isa ashi.

Manipur nung süngdong kanga atsüngba aser tenemlen arem nung mapa balala inyakba ajanga arem-min tulu ka samaogo ta Wangoi AC MLA-isa ashi.

**AGP-i 2024 nung Lok Sabha menden 4 nung toktepnür**

**Guwahati, April 22, 2023**

(Agencies): 2024 Lok Sabha elections nung Asom Gana Parishad (AGP)-i menden pezü nung tokteptsü osang metetdaksüo.

Onoki Assam nung menden pezü nung tokteptsü

asem menden 14 nungi constituency ka nungbosa takok angutsü ta MLA Ramendra Narayan Kalita-ashi.

AGP-i Bharatiya Janata Party (BJP) dang menden kar meshitsü ta Kalita-isa ashi.

AGP-i Kaliabor, Mangaldoi, Tezpur aser Nagaon nung worker's conferences ayonga agiogo.

Guwahati nung AGP indang Executive's Meet nung 2024 Lok Sabha elections atema telemtetbatem agütsü.

# WWII nung angemoka aiba Japan nunger rong ka ngutetogo



Montevideo Maru

**Sydney, Rongchii/April 22 (Agencies):** Tzü telung bushisüngdangertemi Honibarnü ashiba agi parnoki World War II mapa tzüyimi angemoka aiba Japan nunger rong; Montevideo Maru teraksa ngutetogo. Iba rong ya Philippines anasa poksaja angemoka ai, kong Australia nunger 1,000 shi mena liasü.

Iba rong ya 1942 küm July 1 nü angemoka ai aser tzü telung kilometer 4 shi ir lia ngutetogo, ta maritime archaeology group Silentworld Foundation-i ashi, shirnoki Dutch deep-sea survey firm Fugro den longjemer iba maparen inyaka liasü.

Rara nung tepuokertem mena lir ta memetetei US nunger indang submarine kati bomb poklokja iba rong tzüyim telung angemoka idakja liasü.

Montevideo Maru angemoka aiba ya Australia atema tzüyim nung atalokba lendong tamajungtiba liasü, kong sepai 850 densema Australia nunger 979 taküm sama liasü.

Iba rongnungsa linük 13 nungi civilian tem densema liasü aser asür ajak senteper 1,060 liasü, ta foundation-i ashi.

Parnok ya Japan nungertemi ita ishika tejakdang Papua New Guinea tüküm nung aliba Rabaul jila atsünga sülen pua liasü.

"Montevideo Maru nung asürtem anisüngzükdak tesem ngutetogo," ta Ato Kilonser Anthony Albanese-i ashi.

"Tepuoker 1,060 rongnung

Australia nunger sepai 850 ensema liasü," ta pai social media nung sangdong ka ajanga lemsatep.

"Tanü iba osang angazükba ajanga rong nung taküm samaba kinungertem nem anisüngzükdak terabo agütsüsü imlar," ta paisa ashi.

Küm pongu sentong yangluba sülen iba bushisüngdang ya April 6 nü Philippines' nung asetkong tongtiba Luzon nungi northwest len South China Sea nung tENZÜKA liasü.

Bushisüngdang tENZÜKBA sülen anogo 12 dang lir parnoki iba rong angu aser iba sülen sonar aketba autonomous underwater vehicle equipped ka densema high-tech equipment tem amshia liasü

"Rong indang noksa nguba sülen onok kanga pelatapa liasü," ta iba bushisüngdang technical director Captain Roger Turner-iAFP dang Fugro Equator survey rong nungi phone ajanga ashi.

Rong ya ana kuma sangdang liasü aser tesangda ana tsüngda meter 500 shi iter liasü, ta paisa ashi.

"Iba rong dak torpedoes ana khaloktsü asütsü ta bilemer. Mezüngbuba torpedoes khaloktsüba yagi rong angemoka idaktsü aser tanabuba yagi rong shilem ka poktoka yok asütsü," ta pai ashi.

Asür kinungertem nem aküm tetushi agüja iba rong ya tzüyim telung nung mekongshii dang toktsüsü, koba Titanic

dang nungi tarokba nung ia lir, ta foundation-i ashi. Rong nungi nisung teret mesüra tanga oset kecha magitetsü.

Australia tsür Andrea Williams shiba bushisüngdang rongnung densema liasü, la tebu (grandfather) aser great-uncle nata iba rong nung taküm sama liasü.

"Rong ngutetba ya kanga dang temulugn shirangtsüka aser kasa mapang nung nemadangtsü mapang ka liasü," ta AFP dang ashi.

"Kinungertemi Montevideo Maru ya ngutetsü mongutetsü ta asüngdanga aruogo," ta Williams-i ashi.

Iba rong ngutetba ya asür kinungertem atema kanga dang anisüngzükdak tulu lir aser iba osang prokshiba sülen parnok aikati la den tongtepratepogo, ta lai ashi.

Australia indang Chief of Army Lieutenant General Simon Stuart-i ashiba agi, iba rong ngutetba ajanga asür kinungertem küm 81 ken o mejangjai aruba jangjatsüo.

Montevideo Maru nung taküm samartem rongnung Norwegian freighter; Herstein nungi crew 33 aser Japan nunger meitkar 20 shi densema liasü, ta Silentworld Foundation-i ashi.

Maneni Rong nung asürtem rongnung Britain, Denmark, Estonia, Finland, Ireland, Netherlands, New Zealand, Solomon Islands, Sweden aser United States nungertem densema liasü, ta parnokisa metetdaktüsü.

## ALI TAYOKTSÜ LIR

### NIHOTO NUNG ALI PLOT ASEM AYOKTSÜBA LIR:

- |                     |    |         |
|---------------------|----|---------|
| 1. Square feet nung | -- | Rs. 135 |
| 2. Square feet nung | -- | Rs. 180 |
| 3. Square feet nung | -- | Rs. 160 |

Contact No. 9362194700

### JANGPETKONG KAKETSHIR TELONGJEM MUNG DANG

#### PLANNING CUM FUNDRAISING COMMITTEE.

#### Raffle Draw Result In Aid of 75th Jubilee.

1st Prize : 3124 2nd Prize: 0417, 0466. 3rd Prize: 4112, 4134, 3966  
 Consolation Prizes : 1272, 2072, 4181, 2728, 1563, 3381, 4101, 4348, 3559, 1966, 0139, 0268, 3222, 1848, 4051, 1605, 4219, 3269, 2649, 0937, 1388, 3563, 4035, 0516, 3655, 3716, 2252, 3465, 2734, 2328.

Sd/- Imsumeren  
Convener.

Sd/- Apongdi  
Secretary.  
Contact: 9862010430

## North Korea spy satellite teraksa khadangtsü atema Japan renemer

**Tokyo, Rongchii/April 22 (Agencies):** North Korea indang satellite ka koba Japan litsü nung tsütsü akok iba ya khadangtsü atema Japan-i missile interceptors activate sütsüo aser khadangtsü atema renema lir.

Defence Minister Yasukazu Hamada-i Honibarnü sepaitem dang Okinawa aser iba temeket nung aliba asetkongtem densema southwestern Japan nung PAC-3 surface-to-air missiles renema atatsü tetuyuba agütsüo. Item tesemtem ya satellite bener atuba North Korea indang rocket lenmang kübok lir.

Paisa, SM-3 ship-to-air missiles to coastal waters keta aliba destroyer tem yoktsü tetuyuba agütsüo, ta ministry sangdong ka ajanga metetdaktüsü.

"Ballistic missiles aser tanga osettem raksatsüsü atema tetuyuba agütsüsü akok anungji iba atema onok renemshir," ta ministry-i ashi.

Hamada-isa, ballistic missile tsükra teraksatsüba kangabo madokdaktüsü atema takok tashi jenjang agitsü tetuyuba agütsüo.

Missile akhatsü atema Ato Kilonseri temelaba agütsüsü nüngdaker.

North Korea lenir Kim Jong Un-i iba ita tetenzüklen parnok indang mezüngbuba spy satellite

mashi anogo ka nung khaketa yoktsü ta shiogo.

2012 aser 2016 küm North Korea ballistic missile tem tendangogo aser Pyongyang-i ashiba agi, item ya satellite ajanga lunch asüba lir. Missile anaprongla Okinawa tesem temeket ajanga süia liasü.

Noth Korea-i taoba küm nungi tang tashi nung missile 100 shi tendangogo aser ashiba agi, US aser South Korea nati military exercise balala ayongzüka agiba atema telanzüba agüja item missile tem tendanger. Missile tem ya aika Japan adena süio aser kar Japan tüküm anasa tsükogo.

Taoba hopta North Korea-i mezüngbuba solid-fuelled intercontinental ballistic missile ka tendangogo.

United States aser South Korea nati maneni taruba hopta ana tsüngda ano anung nung exercise ayongzüka agitsüba renema lir anungji North-i ano missile tem tendangtsü imlar.

Mongolbarnü G7 foreign ministers senden nung Japan-i North Korea dang ballistic missile tem ojang dang tendangtsü takhangba ka agütsüo. G7 linüktemisa Pyongyang dang nuclear hadir metendangtsü atema tekümdangtsü metetdaktüsü aser tashi mangara telanzüba tesashi agütsüsü ta shiogo.



### State Bank of India

STRESSED ASSETS RECOVERY BRANCH, JORHAT

Na-Ali, M G Road, Jorhat, Opp. ASEB Building, PIN-785001 (Assam)  
Tel No : 0376-2300193 / 2300204

[Appendix - IV-A

[See Proviso to rule 8 (6)]

#### KIOJEN AYOKTSÜBA NOTICE

Securitisation and Reconstruction of Financial Assets and Enforcement of Security Interest Act, 2002 aser Security Interest (Enforcement) Rules, 2002 Rule 8(6) dak ajemdaker nüburttem dang talisa sen apur aser Guarantor(s) tem dang teküboklen agüja aliba kiojen koba sen apur ket nungi State Bank Of India Authorised Officer-i agiogo, item kiojentem ya 30.03.2021 nü tashi nung sentüsh den tetemlok, cost, charges aser tanga tintokbatem Rs. 2,38,02,272.00 (Rupees Two Crores Thirty Eight Lacs Two Thousands Two Hundred Seventy Two only) M/s. S. K. Motors, Proprietor: Smt Kanili Sumi aser Guarantors: Shri Akato Sumi and Mrs Hukali Awomi nungi meyipa agitsü atema 27.06.2023 dak ajemdaker kong aser koma ali yamaji ayoktsü. Reserve jenjang Rs.70,00,000.00 aser earnest money deposit Rs.7,00,000.00 asütsü.

Ali kimong aser kiojen terasa:

Property ID: SBIN400007467637

1. Mr Akato Sumi tenung nung Village Diphupar, Dimapur, Nagaland Sale nung Deed No: SD-381/13 dated 07.05.2013, Patta No-108 Dag No-11/163, Block: Diphupar, Mouza No-3 agi ayimjema aliba ali 1 Katha 9 Lecha aser RCC building(s)

Artsü : North : Approach Road, South : Lotha Baptist Fellowship,  
East : Hutoni Sumi, West : N. Lotha.

Yokyatsüyatsü atema terms aser conditions tejangjaba metettsü asoshi State Bank of India agütsüba link semdangang. Secured Creditors website:

India, the secured Creditors website:

https://sbi.co.in/web/sbi-in-the-news/auction-notices/sarfaesi-and-others https://ibapi.in/Sale\_Info\_Home.aspx

Date : 21.04.2023

Authorised Officer,

Place : JORHAT

State Bank of India, SARB Jorhat



US tir Joe Biden September ita India semdangtsü atema kanga yongya atadar, ta pa indang administration kübok South aser Central Asia atema shimba ketdangtsüri ashiba den 2024 ya India aser US tesendaktep atema kanga tongtibang küm ka asütsü ta ashi.

## G. Rio Memorial U-19 (boys) asayamung Chumoukedima-i kokogo



3buba G. Rio Memorial U-19 (boys) Inter-district asayamung nung takoker Chumoukedima den ketdangsertem noksa nung angur.

**Dimapur, Rongchii/April 22 (TYO):** 3buba G Rio Memorial U-19 (boys) Inter-district asayamung final Nagaland Cricket Stadium nung Chumoukedima aser Niuland na asayaba Chumoukedima-i wicket 6 agi kokogo.

Toss akokba sülen Niuland-i mezüing bat asütsü shim aser opening batsman Lal Kishan (12 runs) aser Vishal Sahani (12 runs) nati kanga süngjema asaya tenzüka sülen Niuland team-i run aika yanglutsü imla liasü. Ajisüaka over 8buba nung Niuland team-i run 23 yanglur aliba mapang Vishal Sahani out asüba sülen asayartem kanga atonga out asü tenzüka aser Chumoukedima team nungi bowler temi batsmen tem nem run aika meyangludaktsü out

sütsü.

Chumoukedima team bowler tem rongnungi Neizekho Rupreo aser Aloto Sumi nati wicket asemsem, Khrievitso Kense-i ana aser Kezengulie Sogotsu-i wicket 1 agia liasü. Niuland atema Md Shahin-i run (14) timtiba yanglua parnoki ajak senteper run 84 dang yangluteta liasü.

Asaya akoktsü atema run 85 nungdaka run arishiba mapang Chumoukedima team nungi Yugandhar Singh aser Mughavi Sumi nati asaya kanga süngjema tenzüka saka tenaprongla ball metsürpezüzü dang mener run 14 aser 11 yanglur out siatok.

Niuland bowler Jatin-i maidens 3 densema over 10

nung wicket 4 agi saka pa nongita asayar maliasü. Jenjang mejungi aliba tamajungba kümshia Niuland teami extra run 23 agüja liasü.

Niuland team nungi bowler temi kanga meranga asayadang ajisüaka Aloto Sumi 22\* runs (not out) aser Neizekho Rupreo 12\* runs (not out) na batting mena aliba mapang parnoki asaya wicket 6 agi kokatok.

**Jurila sempet agizükertem:**

*Best Batsman -*

*Vishal Shani (Niuland)*

*Best Bowler -*

*Aloto Sumi (Chumoukedima)*

*Best Wicket Keeper-*

*Shyerinlo Thong (Niuland)*

*Player of the Tournament -*

*Aloto Sumi*

*(Chumoukedima).*

## World Transplant Games 2023: Ankita-i medal asem angu



Ankita Shrivastava-i, World Transplant Games 2023 nung takok ngur pelaba noksa nung angur.

**Rongchii/April 22, 2023 (Agencies):** India tsür Ankita Shrivastava-i, World Transplant Games 2023 nung medal asem nguogo.

Arishi küm 29 tain asayar yagi kanga junga asaya Long Jump nung meter 3.06 jukteta gold medal angu aser tetsürtem 3,000-meter Racewalk (power walk) adser Shot-Put asaya nung silver medal ngua liasü.

World Transplant Games ya kanga tetushi asayamung ka lir koba Olympics Association-i ayongzüka asaya arudar. Asaya nung temlungjang, tepokpok, temesen, tezüing, tepa, stem cells

aser tenüingla transplant asürtemi shilem agitetsü.

Taküm iba asayamung nung transplant athletes 3000 den parnok kinungertem aser parnok pusemertem adenshia kanga takok ngua asayaogo. Asayamung nung linük balala nungi asayartem adenshia kanga toktepa asayaogo.

Ankita-i kanga junga asaya aser la asayaba asaya asemprongla nung top three-i ia takok tajung ngutetogo.

Ankita-i taküm nung timtem tekangshi aika ajanger iba jenjang tongtetogo. 2007 küm tetsü dak liver cirrhosis poteta

temeswn mapa minyaki akümba sülen la tia melenshia liasü.

Tetsü temesen melentsü atema tenla agütsür ka asoshi waitlist nung liasü ajisiakawaitlist ya langrara liasü aser Ankita shiba tetsü den blood group kasa liasü lai tetsü kümzüksü atema la indang temesen shilem 74 agütsü.

Tejashitsüka temesen melener ita ishika dang lir tetsü süadok. Ajisüaka iba ajanga la matsüzükdaktsüi temlungtetba tulu nung inyaksangshi tenzüka aser la linük nung temesen tenla agütsürtem rongnung asayar tajungtiba ka lir.

## BWF-i Russia & Belarus nunger asayartem nem maneni tenokdangba agütsür

**Rongchii/April 22, 2023**

**(Agencies):** Badminton World Federation (BWF)-i maneni Russia aser Belarus nunger asayar aser ketdangsurtem BWF-i ayongzüka international asayamungtem nung shilem magitsü atema tenokdangba agütsüogo, ta BWF sangdong ka ajanga metetdaksü.

BWF-i ashiba agi, Mongolbarnü BWF Council senden amenba sülen iba telemtetba agia liasü.

International Olympic Committee (IOC)-i taoba ita Russia aser Belarus nunger asayartem neutrals ama toktepdaktsütsü asoshi benokdangogo, ajisüaka asayartem ya rara pusemertem masütsüla aser military den sendaktepa malitsüla.

Ajisüaka BWF-i taoba küm telemtetba agiba maneni benoka inyaksangshitsü lemtetogo. Russia-i Ukraine amak tenzüka sülen badminton asaya achaayangba lokti tentet yagi iba linük ana nungi asayar aser ketdangsurtem parnoki ayongzüka international asayamungtem nung shilem magidaktsütsü atema telemtetba agia liasü.

"Saisapong ajanga nüburtem ajak yongtsü nung yimjung adokdaktsütsü atema jenjang agitsüla aser yimden yimsüsüba hadir ka makümsüla ta BWF-i angateta lir. Iba dak sendakba nung asayartem parnok indang

passport dak ajemdaker bendanga mamshitsüla aser saisapongi mazüoktetba mangatettep kecha nunga shilem magitsüla.

"Tawa International Olympic Committee (IOC)-i benokba ajanga International Federation temi dang agizükra Russia aser Belarus nunger asayartem asaya tenzüksütsü atema lenmang lapoktsüogo aser asaya kar nungbo yimjung nung kecha tetsükdaktsü makai shilem agitetsü aliba jangaogo.

"Ajisüaka parnok nem temelaba agütsüba ajanga asayar aser asayamung atema tetsükdaktsü adoktsü aliba aser Olympic qualification aser Paris 2024 nung shilem agitsü atema IOC-i ken o tejangja magütsüba dak ajemdaker BWF-i tang atemabo Russia aser Belarus nunger asayar aser ketdangsurtem nem tenokdangba agütsür aliba magini atatsü atema telemtetba agiogo," ta BWF-isa metetdaksü.

Paris Olympics atema qualifications ya 2023 küm May 1 nü nungi 2024 April 24 tashi agitsü. Atakzükja aliba mapang tsüingda tetoktepa balala nung takok anguba dak ajemdaker asayartem kija aser tarep asaya atema qualify asütsü.

"BWF-i maneni Ukraine nunger aser Ukrainian badminton community pusemer aser Ukraine amakba aitsür, koba BWF tangatetba anema lir," ta BWF-i shisem.

## India team-i compound mixed team World Cup gold nguogo

**Anatalya, Rongchii/April 22**

**(Agencies):** Jyothi Surekha Vennam aser la partner Ojas Deotale, shiba tang mezüingbuba World Cup nung asaya liasü, tenati Honibarnü World Cup Stage 1 nung compound mixed team tetoktepa nung gold medal nguogo.

Vennam aser Deotale nati compound mixed team final asaya nung Chinese Taipei nunger tarep 159-154 agi koka liasü.

Tenati iba medal mangu tsüingda mixed compound event nung India nunger archer temi khen dang gold medal ngur liasü.

Jyothi aser asayar tejsen Abhishek Verma nati 2022 küm Paris nung World Cup-3 asayaba mapang India asoshi iba asaya nung mezüingbuba gold medal ngur liasü.

India nunger rongnungi

World Cup nung takok aiben ngur alisang Verma, shiba national trials nung meshimi liasü, pa meliaka India nunger tarep yagi kanga junga asaya aser lasang 16 akhaba nung 15 benbo teyongtsü nung kashia seed 12buba nung aliba Chinese Taipei nunger tarep ya ayong ayonga koka liasü.

Tenati perfect 10s, 15 khatetba nungi 12 bo X (teyongtsü) nung kashia liasü.

Second seed India nunger tarep Jyothi aser arishi küm 20 tain Deotale nati final nung point ka dang mongutet aser point ka ya ngutet asübo perfect 160/160 ngua asaya kokla.

Asaya nung Jyothi aser Deotale nati perfect 10s atonga angu aser 120-116 agi tena tejekdang aküm.

Asaya tanabuba shilem nung tenati pezübenben akhaba ajak X nung kashi aser 80-76 agi tena timba küma asaya akok.

## BILEM DANGANG

"Senmangji tsürabur nungi angur saka tetemjen kinungtsü kajibo Tsüngrem nungi angur"